

23 - KUPONA KATIKA TAABU IJAYO.




Jinsi ya Kuepuka Mapigo 7 ya Mwisho.



Mahali palikuwa Misri - taifa lililokuwa limeendelea sana wakati huo. Mwaka - 1445 K.K. Kwa miaka 215 wana wa Israeli walikuwa wameishi pale karne ya mwisho katika utumwa mchungu. Mafarao waliokuwa marafiki waliokuwa wamemjua na kumpenda Yusufu walikuwa wameshapita na kuingia katika makaburi yao kitambo.



Watawala wapya walitizama wana wa Israeli waliokuwa wakiongezeka kwa kasi kama tishio kwa usalama wa taifa, wakihofu ya kwamba katika tukio la vita, Wana wa Israeli wataunganisha nguvu zao na maadui wa Misri. Hivyo wana wa Israeli waliwekwa katika utumwa, wakalazimishwa kuwa watumwa chini ya ukatili wa Wamisri.



Lakini, Biblia yasema, Lakini kwa kadiri walivyowatesa,



ndivyo walivyo zidi kuongezeka na kuzidi kuenea. Kutoka 1:12.




...Wana wa Israeli wakaugua kwa sababu ya ule utumwa,



wakalia; kilio chao kikafika juu kwa Mungu kwa sababu ya ule utumwa.

23 - KUPONA KATIKA TAABU IJAYO.



8

Mungu akasikia kuugua kwao, Mungu akakumbuka agano lake alilolifanya na Ibrahimu na Isaka na Yakobo. Kutoka 2:23,24.



9

Ilikuwa ni zaidi ya miaka 400 tangu Mungu alipofanya agano na Ibrahimu kuhusu vizazi vyake na ukombozi wao. Sasa, hatimaye, siku ilikuwa imekuja. Mungu alikuwa tayari, na mkombozi wake alikuwa tayari!



10

Walikutana --Mungu na Musa. Siyo katika Ikulu, wala siyo katika kivuli cha ihramu kubwa, lakini nje katika jangwa la Midiani kando ya kichaka kilichokuwa kikiwaka moto.



11

BWANA akasema, 'Hakika nimeyaona mateso ya watu wangu walioko Misri,



12

nami nimesikia kilio chao kwa sababu ya wasimamizi wao; maana nayajua maumivu yao.



13

nami nimeshuka ili niwaokoe..... Kutoka 3:7,8. Akinena na Musa, Mungu alisema:



14

Haya, basi, nitakutuma kwa Farao,



15

ili upate kuwaokoa watu wangu, hao wana wa Israeli, katika Misri. Kutoka 3:10.

23 - KUPONA KATIKA TAABU IJAYO.



16

Ilikuwa miaka arobaini tangu Musa alipoondoka Ikulu pale Misri. Miaka arobaini tangu aliponena lugha ya Kimisri! Kwa kweli, kwa kipindi chote kile, alikuwa amechunga kondoo nje katika jangwa pweke. Ile hali ya kujiamini binafsi aliyokuwa nayo akiwa kama mwana wa mfalme kule katika baraza la Misri, ilikuwa imepotea. Biblia yasema,



17

MUSA alifundishwa mambo yote ya hekima ya Wamisri akawa mashuhuri kwa maneno na matendo. (Matendo 7:22 HNKK)



18

Lakini katika jangwa, Musa alijifunza zaidi ya unyenyekevu. Kwa kuwachunga kondoo, alijifunza uvumilivu na uungwana. Sasa Mungu aliona ya kwamba Musa alikuwa tayari kuwakomboa Israeli na kutumia kuwaangalia kama baba watu wake. Kwa unyenyekevu Musa alitii maelekezo ya Mungu na kukubali kile ambacho kwa wakati ule kilionekana kuwa kazi isiyowezekana.



19

Kwa kumsaidia Musa akamilishe hii kaziya ajabu, Mungu alimuelekeza Haruni, kaka yake Musa (ambaye aliwahi kuwa mtumwa Misri), kutoka na kwenda kukutana na Musa. Si tu kwamba Haruni alikuwa amuunge mkono Musa kwa kuwepo kwake pamoja naye, lakini Mungu alimteua Haruni kuwa mzungumzaji wa Musa, kwani Musa pia alikuwa hajatumia lugha ya Kimisri kwa miaka mingi.

23 - KUPONA KATIKA TAABU IJAYO.



20

Hawa ndugu wawili waliingia Ikulu ya Farao wakidai kuwa mabalozi waliotumwa na Mungu. Walinena katika Jina lake na kutaja uwezo wake. Mtizamo wa mtawala huyu mwenye kiburi lazima ulikuwa wa pekee kwa muda mfupi. Mbele yake walisimama ndugu wawili, mmoja akiwa mchungaji mnyenyekevu wa ki Midiani, aliyekuwa bado akitembelea fimbo ya kichungaji, na mwingine Muebrania mtumwa aliyetoka katika mazingira ya kawaida pale. Wote wawili walikuwa wakitangaza uwezo mkuu wa Mungu waliyekuwa wakitumikia. Wakati Haruni aliposema ya kwamba walikuwa wamekuja na ujumbe toka kwa Bwana uliomuomba Farao kuacha watu waende, Farao alikoroma kwa ghadhabu:



21

'BWANA ni nani, hata niisikilize sauti yake, na kuwapa Israeli ruhusa waende zao?



22

Mimi simjui BWANA, wala sitawapa Israeli ruhusa waende zao.' Kutoka 5:2.

Hali akiwa na maelfu ya watumwa pamoja naye, Farao kwa uwazi hakuwa na makusudio ya kupoteza ule utumishi wa bure. Ombi la Haruni lilileteleza mwitikio mkali. Mfalme alizidisha mzigo wa kazi kwa Wana wa Israeli.



23

Lakini mara ile Mungu angemruhusu Farao mwenye kiburi kujua Bwana ni nani na jambo fulani kuhusu nguvu au uwezo wake. Farao alionywa na Musa na Haruni ya kwamba Mungu angetuma mapigo moja baada ya jingine juu ya Misri hadi watu wake watakapochiliwa toka utumwani. Halafu ujumbe wa Bwana kwa Farao ulikuwa:



24

Katika jambo hili utanijua ya kuwa mimi ndimi BWANA...
Kutoka 7:17.

23 - KUPONA KATIKA TAABU IJAYO.



25

Haikuchukua muda hadi mapigo yalipoanza kuanguka. Kumi kwa uhakika! Kabla ya kila pigo kuanguka, Musa na Haruni walimuonya Farao juu ya hukumu iliyokuwa ije, wakitegemea angelichagua kuwaacha wana wa Israeli, hivyo ajiokoe mwenyewe na watu wake kutoka katika maafa. Lakini Farao alikuwa mkaidi akishupaa katika njia yake ya mawazo. Na, kwa kulingana na ahadi Yake, misiba ya pekee ikawatembelea Wamisri.



26

Kwanza, Mto Naili, unaoabudiwa na Wamisri kama mmoja wa miungu yao, uligeuka damu wakati Haruni alipoyapiga maji kwa fimbo. Samaki wakafa, na maji mengine yote katika Miisri yakawa damu kwa siku saba. Lakini Farao alikataa kuwaachilia watu wa Mungu kwenda!



27

Kilichofuata, ni pigo la vyura ambavyo viliiathiri nchi. Mamilioni yao katika chakula, katika vitanda, kila mahali! Na bado, mfalme mkaidi alikataa kuwaacha Israeli waende.



28

Pigo la chawa lilifuatia. Lakini huyu mtawala katili asingekubali kuwaruhusu watu hawa waende. Tambua ya kwamba mapigo ya kwanza matatu yalianguka kwa Waebrania na Wamisri: hata hivyo, mapigo saba ya mwisho yalianguka tu kwa Wamisri.



29

Nami siku hiyo nitatenga nchi ya Gosheni, watu wangu wanayokaa, ili hao mainzi wasiwe huko,



30

ili kwamba upate kujua wewe ya kuwa mimi ndimi BWANA kati ya dunia.

23 - KUPONA KATIKA TAABU IJAYO.



31

Nami nitatia mpaka kati ya watu wangu na watu wako; ishara hiyo italetwa kesho. Kutoka 8:22,23.



32

Hatua iliyofuata ilikuwa ya pigo la inzi ambao walilijaza jumba la Farao.



33

Baada ya mainzi, pigo la kutisha kabisa liliikumba nchi, likiangamiza wanyama wote waliokuwa katika mashamba. Kufikia sasa, Farao alikuwa na mdadisi sana. Je, mifugo ya Waebrania iliagamia pia - au ililindwa kama jinsi Musa alivyotabiri?



34

Farao akatuma watu, na tazama hapana mmoja aliyekufa katika wanyama wa wana wa Israeli.



35

Lakini moyo wa Farao ulikuwa mzito, wala hakuwapa hao watu ruhusa waende zao. Kutoka 9:7.



36

Pigo la sita lilileta majipu juu ya wanyama na watu, lakini bado mfalme katili alikataa kuachilia wana wa Israeli.



37

Unabii uliofuata ulitabiri pigo la mvua ya mawe.

23 - KUPONA KATIKA TAABU IJAYO.



38

Hata hivyo, Mungu aliahidi ya kwamba wote ambao wangejilinda, wao wenyewe na wanyama wao wasinge kufa. Habari ilienea kwa kasi sana katika Misri na Wamisri wengi walijificha, pamoja na wanyama wao. Mvua ya mawe ikaja, ikichanganyika na radi na ngurumo, na wote walioshindwa kujiandaa kwa ajili yake walikufa!



39

Wamisri waliona wazi ya kwamba dunia ilikuwa chini ya utawala wa Mungu aliyehai, na ya kwamba usalama wao pekee ulikuwa katika kumtii Yeye. Kwa muda mfupi, Farao kwa kweli alicheza cheza na wazo la kumtii Mungu na kuwaacha watu wale waende, lakini kadiri mapigo yalivyopungua, vivyo ndivyo na makusudio mazuri ya Farao yalivyokwisha.



40

Musa alimuonya Farao ya kwamba kama angekataa kuwaruhusu wana wa Israeli waende, pigo ambalo lingefuata lingekuwa la makundi ya nzige. Hali wakitishika kwa wazo la kuwa na mapigo zaidi, washauri wa Farao walimbembeleza ili awaache hawa watumwa waende, lakini mfalme bado alikataa. Na nzige wakaja kama walivyotabiriwa.



41

Kisha zikaja siku tatu za giza lililokuwa zito kiasi ambacho lilihisika, lakini Farao muasi aliendelea kumkaidi Mungu wa mbinguni.



42

Musa alitaja ya kwamba pigo moja zaidi lingemwagwa juu ya Wamisri - la mwisho ambalo lisingepaswa kudharauliwa kirahisi. Malaika mwangamizaji alikuwa apite katika nchi usiku wa manane na ange ua wazaliwa wa kwanza wote katika Misri - wote wa watu na wanyama.

23 - KUPONA KATIKA TAABU IJAYO.



43

Kwa mara nyingine tena, Waebrania walikuwa waachwe, wasiguswe. Lakini safari hii haikutosha kuwa Muebrania au kuishi Gosheni. Ili kuepuka ukumu ya kifo, kila familia iliagizwa kuchinja mwana - kondoo na kisha kunyunyiza sehemu ya damu yake katika miimo ya (milango) ya nyumba zao kama ishara ya imani yao na utii wao kwa Mungu. Na Mungu akaahidi:



44

Nami nitakapoiona ile damu, nitapita juu yenu;



45

lisiwapate pigo lolote likawaharibu, nitakapoipiga nchi ya Misri. Kutoka 12:13.




46

Ilikuwa picha ya kuvutia kiasi gani kuiangalia usiku ule! Maelfu ya familia za Waebrania na Wamisri wengi walisimama katika miimo ya milango ya nyumba zao wakitizama baba, hali akishikilia bakuli kubwa lenye damu mkono mmoja na kitawi cha hisopo katika mkono mwingine, akinyunyiza miimo ya mlango. Na mtu anaweza kufikiria ya kwamba kati ya watizamaji makini kabisa usiku huu walikuwa hawa wazaliwa wa kwanza.



47

Hata ikawa usiku wa manane BWANA akawapiga wazaliwa wa kwanza wote katika nchi ya Misri,



48

tangu mzaliwa wa kwanza wa Farao aliyeketi katika kiti chake cha enzi, hata mzaliwa wa kwanza wa mtu aliyefungwa katika nyumba ya wafungwa.

23 - KUPONA KATIKA TAABU IJAYO.



49

na wazaliwa wa kwanza wote wa wanyama. Kutoka 12:29.



50

Hata hivyo, hakuna nyumba hata moja iliyokuwa na damu iliyopakwa katika miimo ya milango kwa kutii agizo la Mungu ambayo iliguswa na pigo.



51

Pote katika ufalme huu mkubwa wa Misri vilio vya waombolezaji vilisikika. Na kwa miguu inayotetemeka na neva zinazoduwaa, Farao alikumbuka jinsi alivyomdharau Mungu wa Waebrania na kuunguruma kwa kejeli:



52

...BWANA ni nani, hata niisikilize sauti yake, na kuwapa Israeli ruhusa waende zao? Kutoka 5:2. Sasa alijua. Kwa unyenyekevu, yeye pamoja na washauri wake waliwaita wale ndugu wawili wa Kiebrania na kuwasihi wawachukue wana wa Israeli na kuiacha nchi ya Misri kwa haraka, kwani waliogopa ya kwamba wao wote walikuwa wanakwenda kufa!



53


Ilipofika usiku wa maanane, watu wa Mungu-wale waliokuwa wamemchagua kama mkombozi wao-waliwekwa huru. Na kama jinsi Mungu alivyoamuru, walikuwa wamejiandaa kwa ajili ya wakati huu. Hali wakiwa wameshavaa viatu miguuni mwao na makoti katika migongo yao, walikuwa tayari kwa ajili kutoka kuliko kukuu. Walikuwa njiani mwao kuelekea katika Nchi ya Ahadi!



54

Naam, wasema, hicho ni kisa cha kuvutia, lakini ni cha muhimu vipi kwetu sisi tuishio katika karne ya ishirini? Chaweza kuonekana kana kwamba hakina umuhimu, lakini si hivyo. Kwa kweli chaweza kuwa cha muhimu sana.

23 - KUPONA KATIKA TAABU IJAYO.



55

Unaona, katika Agano Jipya, tunakuta unabii wa kushangaza kabisa utoao kwa undani matukio ya mwisho yatakayotokea katika dunia. Unabii huu unaweka wazi kabisa ya kwamba, kwa mara nyingine tena, mapigo yataanguka - lakini katika kiasi kikubwa zaidi na cha kutisha.



56

Ndiyo, kulingana na unabii wa Biblia, historia itarudiwa. Siyo kwa mapigo kumi, lakini saba ambayo yataweka kilele cha ukombozi wa watu wa Mungu. Siyo kutoka Misri bali kutoka katika sayari iliyoasi.



57

Lakini, kama jinsi wana wa Israeli walivyovumilia katika kipindi cha mateso kabla ya ukombozi wao wa utukufu toka Misri na kushuhudia mapigo yakiwaangukia Wamisri,




58

Vivyo hivyo watu wa Mungu watashuhudia kumwagika kwa mapigo saba ya mwisho kwa waovu kabla ya kuja kwa Kristo. Nabii Danieli anaelezea kipindi hiki cha taabu kwa namna hii:



59

Wakati huo Mikaeli atasimama, jemadari mkuu, asimamaye upande wa wana wa watu wako;



60

na kutakuwa na wakati wa taabu, mfano wake haukuwapo tangu lililopoanza kuwapo taifa hata wakati huo:



61


na wakati huo watu wako wataokolewa; kila mmoja atakayeonekana ameandikwa katika kitabu kile. Danieli 12:1

23 - KUPONA KATIKA TAABU IJAYO.



62

Injili ya milele itakuwa imehubiriwa kwa dunia yote. Mwito wa malaika wa pili wa tokeni Babeli au kuonya juu ya mifumo ya uongo ya ibada itakuwa imetolewa. Na kwa kila mtu malaika wa tatu anasema:



63

Yeyote anayemwabudu yule mnyama na sanamu yake na kukubali kutiwa alama yake juu ya paji la uso wake au juu ya mkono wake, (Ufunuo 14:9 HNKK)



64

yeye mwenyewe atakunywa divai ya ghadhabu ya Mungu, (Ufunuo 14:9,10)



65

Hili ndilo onyo la kutisha zaidi katika Biblia ambalo limewahi kutolewa kwa wanadamu. Lakini haitakuwa hivyo hadi maswala yamewekwa bayana mbele za wakazi wa dunia na kuletwa katika swala la uchaguzi kati ya amri za Mungu na amri za wanadamu, ndipo ye yote yule atapokea alama ya mnyama, au kunywa mvinyo ya ghadhabu ya Mungu.



66

Lakini hilo likikamilika, mlango wa rehema hufungwa daima kwa wanadamu wote.



67

(Ufunuo 22:11 HNKK)
Na tangazo la muhimu litawekwa:
Kwa sasa anayetenda mabaya na aendelee kutenda mabaya, na aliye mchafu aendelee kuwa mchafu.



68

Mwenye kutenda mema na azidi kutenda mema, na aliye mtakatifu na azidi kuwa mtakatifu. Ufunuo 22:11.

23 - KUPONA KATIKA TAABU IJAYO.



69

Kazi ya Kristo kama Kuhani Mkuu mbinguni imemalizika. Kila kesi imeamuliwa kwa ajili ya uzima wa milele au kwa ajili ya mauti ya milele. Mlango wa rehema wa Mungu umefungwa! Sasa ni uzoefu wa yule mkaaji wa dunia uitwao wakati wa taabu ulionenwa na nabii Danieli.



70

Na sikiliza, Rafiki, Mungu hatanyakua watu wake hadi mapigo yameisha. Watakuwa hapa hapa duniani hadi mwisho! Watalindwa wakati wa mapigo, kama jinsi ilivyokuwa kwa wana wa Israeli, lakini hawatakuwa huru na matatizo na taabu. Utakuwa wakati wa taabu kwa kila mmoja.



71

Na, Rafiki, maelezo yaliyo dhahiri zaidi ya kipindi hiki cha historia ya dunia hayawezi kufikia ukubwa wa ukweli wa mambo wenyewe, wakati waovu wakinywa kikombe cha ghadhabu ya Mungu isiyochanganyika na rehema.


Yohana alipewa picha ya mambo kabla; jinsi utakavyokuwa wakati huu wa taabu kabla tu ya kurudi kwa Yesu na ukombozi wa watu wake.



72

(Ufunuo 15:1 HNKK)

Kisha nikaona ishara nyingine mbinguni, kubwa na ya kushangaza.



73

Palikuwa hapo malaika saba wenye mabaa makubwa saba ya mwisho. Kwa mabaa hayo makubwa saba, ghadhabu ya Mungu imekamilishwa. (Ufunuo 15:1) Na tena Yohana aliandika:



74

Kisha nikasikia sauti kubwa kutoka Hekaluni ikiwaambia wale malaika saba, 'Nendeni mkamwage mabakuli hayo saba ya ghadhabu ya Mungu duniani.'

23 - KUPONA KATIKA TAABU IJAYO.



75

mkamwage mabakuli hayo saba ya ghadhabu ya Mungu duniani.' Ufunuo 16:1.



76


Lakini, unahoji, haya mapigo ya kutisha ni yapi ambayo yanapaswa kumwagwa na malaika saba juu ya waovu? Hilo ni swali zuri. Tunaposoma juu ya mapigo, utatambua kufanana kukubwa na yale yaliyoangukiwa Misri. Hebu tusome kile akisemacho Yohana juu ya malaika wa kwanza



77

(Ufunuo 16:2 HNKK)

Basi, malaika wa kwanza akaenda akamwaga bakuli lake juu ya nchi.



78

Mara madonda mabaya na ya kuumiza sana yakawapata wote waliokuwa na alama ya yule mnyama,



79

na wale walioiabudu sanamu yake. (Ufunuo 16:2 HNKK)



80

Pengine haya majipu yanafanana na yale majipu na madonda ambayo Wamisri wakati wa pigo la saba waliteseka nalo. Au labda yangeliweza kufanana na yale ambayo Ayubu aliyapitia.



81

Je, waweza kufikiria uzito na athari ya pigo la namna hiyo? Shule zingefungwa.

23 - KUPONA KATIKA TAABU IJAYO.




82

Viwanda vingelifungwa. Maduka yasingeliweza kunguliwa.



83

Hosptali zingefurika kwa watu wenye hitaji la huduma ya dharura, lakini waganga walio wengi wangeteseka kwa matatizo yayo hayo. Na kisha, wakati watu wangali wakiteseka kutokana na majipu yao, baa lingine linawapiga!




84

Kisha malaika wa pili akamwaga bakuli lake baharini. Nayo bahari ikawa damu tupu kama damu ya mtu aliyekufa, na viumbe vyote hai baharini vikafa. (Ufunuo 16:3 HNKK).



85

Ni picha ya ajabu kiasi gani, harufu ya kutisha kiasi gani, viumbe wa baharini wakilala katika pwani za bahari. Watu watakuwa wakijikwaa juu ya wengine katika kasi kali toka katika pwani hizi. Lakini pigo la tatu linahusiana kwa karibu sana na lile la pili.



86

Malaika wa tatu akamwaga bakuli lake katika mito na chemchemi za maji, navyo vikageuka damu. (Ufunuo 16:4 HNKK)



87

Hebu tafakari! Mtu anafungulia bomba la maji ili apate maji ya kunywa, badala ya maji, damu inatoka! Hii inakuwa balaa gani! Je, kuna baya zaidi ya hilo? Lakini kwa ghadhabu na kutisha kama jinsi ambavyo mapigo ya mwisho yawezavyo kuwa, haki ya Mungu inathibitishwa kikamilifu. Kwani malaika anatamka:



88

(Ufunuo 16:5 HNKK)
Ewe mtakatifu, Uliyeko na uliyekuwako! Wewe ni mwenye haki katika hukumu hii uliyotoa.

23 - KUPONA KATIKA TAABU IJAYO.



89


Maana waliimwaga damu ya watu wako na ya manabii,



90


nawe umewapa damu wainywe; wamestahili hivyo! Ufunuo 16:5,6.

Wakati huu, wakati ambapo waovu wanaangamia kwa sababu ya kutokuwa na chochote cha kunywa isipokuwa damu, ahadi hutamkwa kwa yule atembeaye kwa haki:



91


...atapewa chakula chake; maji yake hayatakoma. Isaya 33:16.



92

Na kisha Biblia husema juu ya malaika wa nne aliyemwaga bakuli lake:

Na huyo wa nne akakimimina kitasa chake juu ya jua, nalo likapewa kuwaunguza wanadamu kwa moto.



93

Wanadamu wakaunguzwa maunguzo makubwa, nao wakatukana jina la Mungu aliye na mamlaka juu ya mapigo hayo:



94

wala hawakutubu wala kumpa utukufu. Ufunuo 16:8,9.

Kisha, malaika wa tano akamimina kitasa chake juu ya makao makuu ya mnyama:



95

Na huyo malaika wa tano akakimimina kitasa chake juu ya kiti cha enzi cha yule mnyama ; ufalme wake ukatiwa giza:

23 - KUPONA KATIKA TAABU IJAYO.



96

wakatafuna ndimi zao kwa sababu ya maumivu,



97

wakamtukana Mungu wa mbingu kwa sababu ya maumivu yao, na kwa sababu ya majipu yao; wala hawakuyatubia matendo yao



98

na kwa sababu ya majipu yao; wala hawakuyatubia matendo yao. Ufunuo 16:10, 11.



99


Kwa fungu hili tunagundua ya kwamba haya mapigo si yote yaliyo kwa ajili ya dunia nzima, na wala si yote yanayoua mara moja, kwa sababu hapa tunaona ya kwamba wale waliokuwa katika pigo la tano bado wangali wakitaabika na majipu ya pigo la kwanza. Inaonekana haya mapigo yanaanguka moja baada ya jingine badala ya kuanguka kwa wakati mmoja yote, lakini athari zake hudumu kutoka moja hadi jingine. Katika pigo la sita ndipo tunakuta pambano kuu la mwisho, Har magedoni:



100

(UFUNUO 16:12)

Kisha malaika wa sita akamwaga bakuli lake juu ya mto mkubwa uitwao Frati.



101

Maji yake yakakauka, na hivyo njia ilitengenezwa kwa ajili ya wafalme wa mashariki.

23 - KUPONA KATIKA TAABU IJAYO.



102

(Ufunuo 16:13 HNKK)

Kisha nikaona pepo wabaya watatu walio kama vyura, wakitoka kinywani mwa yule joka, kinywani mwa yule mnyama,



103

na kinywani mwa yule nabii wa uongo.



104


(Ufunuo 16:14 HNKK)

Hawa ndio roho za pepo wafanyao miujiza.




105

Ndio wanaokwenda kwa wafalme wa ulimwengu wote



106

na kuwakusanya pamoja kwa ajili ya vita kuu Siku ile ya Mungu Mwenye Uwezo. Ufunuo 16:12 - 14. Na Ufunuo 16:16 inasema:



107

Basi, roho hao wakawakusanya hao wafalme mahali paitwapo kwa Kiebrania Har-magedoni. Dunia nzima itahusishwa katika hili pambano la mwisho. Yohana aliandika:



108

(Ufunuo 19:11)

Kisha nikaona mbingu zimefunguliwa; na huko alikuwako farasi mmoja mweupe,



109

na mpanda farasi wake aliitwa Mwaminifu na Kweli. Huyo huhukumu na kupigana kwa ajili ya haki

23 - KUPONA KATIKA TAABU IJAYO.



110

Na majeshi yaliyo mbinguni yakamfuata, wamepanda farasi mweupe na kuvikwa kitani nzuri, nyeupe, safi.



111

(Ufunuo 19:15 HNKK)
Upanga mkali hutoka kinywani mwake, na kwa upanga huo atawashinda mataifa.



112

.Yeye ndiye.... (mwenye) kuikamua divai katika chombo cha kukamulia zabibu za ghadhabu kuu ya Mungu Mwenye Uwezo. Ufunuo 19:11,14,15.



113

(Ufunuo 16:17)
Kisha malaika wa saba akamwaga bakuli lake hewani. Sauti kubwa ikasikika kutoka kwenye kiti cha enzi, Hekaluni,



114

ikisema, Mwisho umefika!



115

Kukatokea umeme, kelele, ngurumo na tetemeko kubwa la ardhi ambalo halijapata kutokea tangu Mungu alipomuumba mtu.



116

Visiwa vyote vikatoweka, nayo milima haikuonekana tena. (Ufunuo 16:20)



117

Mvua ya mawe makubwa yenye uzito wa kama kilo hamsini kila moja, ikawanyeshea watu

23 - KUPONA KATIKA TAABU IJAYO.



118

Nao wakamtukana Mungu kwa sababu ya mapigo ya mvua hiyo ya mawe. Naam, pigo la mvua hiyo ya mawe lilikuwa kubwa mno. Ufunuo 16:17-18,20-21.



119

Wasomi wengi huweka uzito huo wa talanta kwenye kilo kama 50. Hakuna awezaye kufikiria jinsi uharibifu wa hiyo mvua ya mawe utakavyokuwa.



120

Lakini Biblia yasema kwamba Bwana mwenyewe ataingilia kati pambano akisafiri katika anga na majeshi ya mbinguni ili kuwakomboa watu wake toka katika sayari iliyoasi.



121

Lakini, unauliza, nawezaje kuwa na hakika ya ulinzi wa Mungu wakati mapigo yaanzapo kumwagika? Ipo njia moja tu.



122

Unaona, watu waliokombolewa kutoka katika pigo la mwisho katika Misri walikuwa wameeleleza imani yao na utii wa o kwa Mungu kama Mkombozi wao kwa kupaka damu ya mwana kondoo katika miimo ya milango ya nyumba zao. Wakati malaika aangamizaye alipopita juu ya nyumba zao, walikuwa salama katikati ya uangamivu. Walikuwa wamefuata maelekezo ya Mungu na walikuwa wamefanya maandalizi ya muhimu.



123

Na tena, watu wa Mungu wataokolewa wakati mapigo yakimiminwa kama watakuwa wamemkubali Mwana - Kondoo wa Mungu kama kafara yao na kuruhusu damu yake kuwatakasa toka katika dhambi.

23 - KUPONA KATIKA TAABU IJAYO.



124

Kwa jinsi tuishivyo, tunachagua leo sehemu gani tutakayokuwa sehemu ya Mungu, au sehemu ya malaika muasi. Na rafiki, wakati malaika waangamivu wakianza kazi, watu watakuwa wamechelewa sana kubadili kambi! Mlango wa rehema utakuwa umefungwa tayari milele. Je, hutajiweka mwenyewe katika kambi ya Mungu, chini ya ulinzi wa damu ya Yesu sasa? Maneno ya kusikitisha zaidi yatakayonenwa na watu hupatikana katika Yeremia 8:20.



125

Mavuno yamepita, wakati wa hari umekwisha, wala sisi hatukuokoka!



126

Kisa kinaelezwa cha fundi mwashi wa Australia ambaye alijenga kibanda chake katika kingo za msitu. Hakikuwa kikubwa lakini kilikuwa nyumbani kwake. Siku moja, aliporejea toka kazini mwake,



127

alistushwa na kuvunjika moyo kwa kukuta kaibanda chake kidogo kikiwa katika hali ya magofu. Yote yaliyokuwa yamesalia ni vipande vipande vya miti vilivyokuwa na majivu na kuungua, pamoja na vyuma, vilivyojaa masizi ya moto. Alitembelea mahali ambapo kibanda chake cha kuku kilipokuwa kikisimama.



128

Yote aliyokuta ilikuwa ni mabonge ya majivu na nyaya ziliaoungua. Kama aliyejilazimisha alipekua vifusi. Kisha, hali akitizama chini katika miguu yake, jicho lake lilinasa bongwe la manyoya yaliyopapurwa na moto. Kama kwa uvivu akapiga teke. Na unadhani kitu gani kilitokea?

23 - KUPONA KATIKA TAABU IJAYO.



129

Vifaranga vinne vizuri vilivyojikusanya pamoja, ambavyo kwa muujiza hivi vililindwa kwa mbawa za mama yao mwenye upendo.

Katika lugha iliyo nzuri na ya kupendeza zaidi ya Maandiko, Mungu anaeleza kile anachotaka kukitenda kwa kila mmoja wa watoto wake duniani wakati mapigo yakimwagwa.




130

Aketiye mahali pa siri pake aliye juu;



131

Atakaa katika uvuli wake Mwenyezi.....



132

Kwa manyoya yake atakufunika, Chini ya mbawa zake utapata kimbilio;



133

Uaminifu wake ni ngao na kigao. Zaburi 91:1,4. Ndiyo, Mungu ametoa uhakika wa ajabu kwa wale wanaochagua kumfuata Yeye:



134


Hutaogopa hofu ya usiku, wala mshale urukao mchana;



135

Wala tauni ipitayo gizani, wala uele uharibuo adhuhuri.

23 - KUPONA KATIKA TAABU IJAYO.




136

Ijapo watu elfu waanguka ubavuni pako, naam kumi elfu mkono wako wa kuume! Hata hivyo hautakukaribia wewe.




137

Ila kwa macho yako utatazama na kuyaona malipo ya wasio haki.



138

Kwa kuwa Wewe BWANA ndiwe kimbilio langu; Umemfanya Aliye juu kuwa makao yako;



139

Mabaya hayatakupata wewe, wala tauni haitaikaribia hema yako.



140

Kwa kuwa atakuagizia malaika zake wakulinde katika njia zako zote...
Zaburi 91:5 - 11.



141

Je, kuna jambo la lenye uhakika kuliko hilo? Je, hungenda kuwekewa ulinzi na usalama chini ya mbawa za Mwenyezi wakati mapigo yakianza kumiminwa? Wakati hakuna mahali pa kujificha? Baba yako wa Mbinguni anataka kukulinda na kukuokoa katika saa ya taabu na uangamivu.

23 - KUPONA KATIKA TAABU IJAYO.



142

Unapotoa maisha yako kwake, anao uwezo wa kukulinda kama mama kuku akusanyaye vifaranga vyake chini ya mbawa zake. Uamuzi ni wako. Ninao uhakika ya kwamba Mungu angelipenda kufanya uamuzi kwa niaba yako ili uweze kuwa naye milele zote, lakini hawezi kulifanya hilo. Wewe ndiwe peke yako uwezaye kufanya uamuzi huo. Usisubiri, Fanya hilo sasa.